


DOUBLE IMPACT



Ben Vrolijk



Ernesto Gomez da Silva

Wencesow Benhure Vrolijk (Ben) semper a gusta arte marcial, el a cuminsa cu Kick Boxing na Hulanda pero despues a dicidi di bai den boxeo. Aki el a cuminsa train dos biaha pa siman y a siña tur e technieknan. Ben tin 26 aña y a cuminsa box cu 17 aña. Ora cu Ben a bin Aruba bek el a sigui box mas na serio, el a representa Aruba varios biaha na Corsow. Tambe el a bringa na Cayman Island den un torneo di CABA caminda cu el a gana plata . Na Barbados el a gana Brons. E aña aki el a bai Jamaica caminda el a gana medaya di brons. Na Aruba Ben ta bringa den e categoria di featherweight, pero na Aruba no tin contricante pe. Ben ta spera cu na Aruba hopi mas hoben por practica e deporte aki ya cu e ta uno sano . Ben su idolo ta Sugar Ray Leonard. Pa e deporte aki desaroya Ben ta pensa cu mester bin mas campeonato . Ben no ta sigui un rutina di come, pero si e ta train seis biaha pa siman . Ben ta haci un yamada na e hubentud pa nan bin practica e

boxeo. Un deseo di Ben ta pa e participa un dia na Olympiada, como bringado of como coach.

Ernesto Gomez da Silva ta un hoben di 21 aña. Actualmente e tin seis pelea bringa y ta cay den e categoria di Junior Wealther Weight. Di su seis peleanan e tin cuater gana y dos perdi. E unico problema cu e tin ta cu na Aruba no tin contricante pe. Pues cada bes cu tin competencia e tin cu warda pa contricante di afor of no por participa. Ernesto tin dos aña ta practica e deporte aki pero ta sinti cu na Aruba tin falta di interes pa cu e deporte. Segun su pensamiento e motibo pa kiko no tin hopi interes den e deporte ta cu e deporte ta exige hopi disciplina y tambe hopi dedicacion. Ernesto ta train cinco biaha pa siman y den weekend ta core . Su deseo y meta den e deporte di boxeo ta pa un dia e bira un boxdo profesional. E persona cu semper e la mira como su idolo e ta Eric Morales.